

ՆԵՐՔԻՆ ՏԵՍՈՒԹԻՒՆ

Բարձրագոյն մանիֆէստ կօնստիտուցիայի մասին։— Համառուսական զոր-
ծադուլ։ Հոկտեմբերի 17-ի մանիֆէստը։ Ժողովրդի քաղաքացիական ազա-
տուծին։ Ազատութեան տօնախմբութիւնը Ռուսիայում։ Ազատութեան թը-
նամի տարրերը եւ նոցա դիմադրութիւնը ազատական շարժման։ Խուլիգա-
նային բարբարոսութիւններ հայրենասիրական դիմակի տակ։ Ռուս մամու-
լի միահամուռ բողոքը կատարուած դադանութիւնների դէմ։ Կառավարութեան
մեծ սխալը։ Ի՞նչպէս պիտի հաստատուի սահմանադրութիւնը Ռուսաստա-
նում։— Ազատութեան տօնը Թիֆլիսում։ Հոկտ. 21 ի պարագը։ Մանի-
ֆէստացիայի նախօրը։ Մամուլի ազատութիւն։ Հոկտ 22-ի քարդը։ Սպան-
ուածներ եւ վիրաւորներ։ Խմբագրութեանց դնդտկումը։ Սպանուածների
թաղումը։ Ռուսների առասպելը։ Հայ ժողովրդի շնորհաւորութիւնը Հոկ. 17-ի
մանիֆէստի առիթով։ Կուսակցութիւնների երեւան գալը։ Զինուորական դրու-
թեան վերացում։ Իսրայէլական զործադուլ։ Սերպական տէրութեանց
սպառնալիքը։— Հայոց քարդը. — Ներքին լուրեր Նամակ խմբագրու-
թեան։

ԱՄՐԱՐԱՆՈՅՆ ՄԱՆԻՓԷՍՏ

Աստուծոյ ողորմութեամբ Մենք Նիկոլայ II Կայսր եւ ինք-
նակալ համայն Ռուսիայի, Թագաւոր Լեհաստանի, Մեծ իշխան-
Ֆինլանդիայի եայլն եայլն, յայտարարում ենք Մեր բոլոր հա-
ւատարիմ հպատակներին, որ Մեր կայսրութեան մայրաքա-
ղաքներում եւ ուրիշ շատ տեղերում եղած խռովութիւններն ու
խառնակութիւնները մեծ վշտով լցնում են Մեր սիրտը։ Ռու-
սիայի Կայսեր բարօրութիւնը անխզելի կապուած է ժողովրդա-
կան բարօրութեան հետ եւ ժողովրդի վիշտը Նորա վիշտն է։

Այժմ ծագած խառնակութիւններից կարող է առաջ գալ
ժողովրդական խորը անկարգութիւն եւ Մեր Պետութեան ամ-
բողջութեան ու միութեան համար սպառնական դրութիւն։

Թագաւորական կոչման մեծ ուխտը հրամայում է Մեզ
Մեր իշխանութեան եւ բանականութեան բոլոր ոյժերով ձգտել
շուտով վերջ դնելու Պետութեան համար այդքան վտանգաւոր
խառնակութիւններին։

Հրամայելով պատշաճաւոր իշխանութիւններին միջոցներ
ձեռք առնել, որպէս զի վերացուին անկարգութիւնների, խռ-
վութիւնների եւ բռնութիւնների ուղղակի արտայայտութիւն-
ները ի պաշտպանութիւն նոցա, որոնք ձգտում են իրանց
պարտքը խաղաղ կերպով կատարել,

Մենք անհրաժեշտ համարեցինք միացնել բարձր կոռա-

վարութեան գործունէութիւնը, որպէս զի լաշող իրագործութիւններ նախագծած ընդհանուր միջոցները Պետական կեանքի խաղաղացման համար:

Պարտք ենք դնում կառավարութեան վերայ ի կատար ածել Մեր անխախտ կամքը:

1. Շնորհիւ ազգաբնակչութեան՝ քաղաքացիական ազատութեան անխորտակելի հիմունքներ՝ անձի իրական անձեռնմխելիութեան, խղճի, խօսքի, ժողովումներէ և դաշնակցութիւններէ ազատութեան սկզբունքներով:

2. Չգաղարեցնելով Պետական Դումայի համար արդէն նշանակած ընտրութիւնները, մինչև դումայի գումարումը մնացած ժամանակամիջոցի կարճութեան համապատասխանող հնարաւորութեան չափով՝ դումային մասնակցելու կոչել ազգաբնակչութեան այն դասակարգերը, որոնք այժմ բոլորովին զրկուած են ընտրական իրաւունքներէրից: Դորա հետ միասին, ընդհանուր ընտրական սկզբունքի յետագայ զարգացումը թողնել նոր հիմնուելիք օրէնսդրական ձևին:

3. Հաստատել իբրև անխախտ կանոն, որ ոչ մի օրէնք ոյժ չստանայ առանց Պետական Դումայի հաւանութեան և որպէս զի ժողովրդից ընտրուածները ապահովուած՝ հնարաւորութիւն ունենան իրապէս մասնակցել այն վերահսկողութեան, որ լինելու է Մեր կողմից նշանակած իշխանութիւններէ գործողութեանց օրինաւորութեան վերաբերմամբ:

Հրաւիրում ենք Ռուսիայի բոլոր հաւատարիմ զաւակներին յիշել իրանց պարտքը դէպի հայրենիքը, օգնել դադարեցնելու այս չլսուած խռովութիւնները և Մեզ հետ միասին բոլոր ոյժերը լարել՝ հանգստութիւնը և խաղաղութիւնը վերականգնեցնելու հայրենի երկրում:

Տուած Պետերհոֆում, հոկտ. 17-ին 1905 թ. Իսկ Մեր թագաւորութեան 11-րդ տարին:

Իսկականի վերայ Նորին Կայսերական Մեծութեան սեպհական ձեռքով ստորագրուած է

ՆԻԿՈԼԱՅ

Հոկտեմբեր ամսի սկիզբը ներկայացնում էր ռուս ժողովրդի յեղափոխական գործունէութեան ամենահրատապ ժամանակը, իսկ նոյն ամսի 14-ին տեղի ունեցաւ համառուական տնտեսական և քաղաքական լիուլի գործադուլը, երբ փակուեցան բոլոր խանութներն ու գործարանները, դպրոցներն ու բոլոր հաստատութիւնները, դադարեցին տրամվայներն ու կառքերը, հեռագիրն ու հեռախօսը, երկաթուղիներն ունոցա վար-